

Հարցաշար
Առարկայական օլիմպիադայի
«Հայոց Եկեղեցու պատմություն» առարկայի
մարզային փուլ
10-րդ դասարան - 120 րոպե
№ 1– 8

Ընտրովի պատասխանով առաջադրանքներ

1. Նիկիայի տիեզերական ժողովն ընդունեց եկեղեցու կյանքը կարգավորող՝
1) 12 կանոն *(0,5 միավոր)*
2) 20 կանոն
3) 25 կանոն
4) 30 կանոն
2. Քանի՞ գրքից է բաղկացած Հին Կտակարանը. *(0,5 միավոր)*
1) 40 գրքից
2) 27 գրքից
3) 48 գրքից
4) 4 գրքից
3. Ղպտի եկեղեցին պատկանում է քրիստոնեական եկեղեցու հետևյալ հիմնական ուղղությանը. *(0.5 միավոր)*
1) Օրթոդոքս
2) Բողոքական
3) Արևելյան ուղղափառ
4) Կաթոլիկ
4. Հայոց հայրապետական գահին ո՞վ հաջորդեց Ս. Գրիգոր Լուսավորչին. *(0.5 միավոր)*
1) Ս. Արիստակես Ա
2) Ս. Հուսիկ Ա
3) Ս. Վրթանես Ա
4) Ս. Ներսես Ա
5. Ե՞րբ գումարվեց Հռոմկլայի համահայկական եկեղեցական ժողովը. *(0.5 միավոր)*
1) 1165 թ.
2) 1173 թ.
3) 1178 թ.
4) 1193 թ.
6. 1441 թվականին Ամենայն Հայոց կաթողիկոս ընտրվեց. *(0.5 միավոր)*
1) Հովհաննես Հերմոնեցին
2) Կիրակոս Վիրապեցին
3) Թովմա Մեծոփեցին
4) Գրիգոր Սուսարեկյանը

7. Արմաշի դպրեվանքի հիմնադրման ժամանակ Կ.Պոլսի Հայոց պատրիարքն էր.
1) Խորեն Աշրգյանը (0.5 միավոր)
2) Ներսես Վարժապետյանը
3) Մաղաքիա Օրմանյանը
4) Մկրտիչ Խրիմյանը
8. Վրաստանի հայոց թեմի գործունեությունը դադարեցվեց. (0.5 միավոր)
1) 1925 թ.
2) 1927 թ.
3) 1931 թ.
4) 1936 թ.

№ 9 – 12

Կառուցված պատասխանով առաջադրանքներ

9. Ո՞վ էր Երևանի փոխթեմակալը, որը մշտապես ներկա էր լինում Հայաստանի Առաջին Հանրապետության կառավարության նիստերին և դիվանագիտական ընդունելություններին. (1 միավոր)

10. Ի՞նչ անունով է կոչվել Ոսկյանց քարոզների շնորհիվ քրիստոնեություն ընդունած հայ ազնվականների փոքրիկ խումբը, որը հեռացել էր թագավորի պալատից և բնակություն հաստատել լեռներում. (1 միավոր)

11. Ո՞ր վանքի վանահայրն էր Հայոց կաթողիկոս ձեռնադրված Մաշտոց Եղիվարդեցին: (1 միավոր)

12. Տասը պատվիրաններից քանիսի՞ մեջ են բացատրվում Աստծո հանդեպ մարդու պարտականությունները և անելիքները: (1 միավոր)

№ 13 – 14

Համապատասխանեցում պահանջող առաջադրանքներ՝ յուրաքանչյուրը 4 փաստից

13. Համապատասխանեցնել իրադարձությունը և դրան առնչվող հայոց կաթողիկոսի անունը: (1 միավոր)

- 1) Սինոդի կամ կառավարիչ Ս. Ժողովի հիմնումը

- 2) Գանձասարի կաթողիկոսական աթոռի լուծարումը
- 3) Հայոց եկեղեցու կանոնադրության լրամշակումը
- 4) Կենտրոնական պատգամավորական ժողովի բացումը Էջմիածնում

- ա) Եփրեմ Ա Չորագեղցի
- բ) Դանիել Ա Սուրմառեցի
- գ) Ներսես Ե Աշտարակեցի
- դ) Հովհաննես Ը Կարբեցի
- ե) Մկրտիչ Ա Խրիմյան

1	
2	
3	
4	

14. Հայոց կաթողիկոսների գահակալման տարեթվերը համապատասխանեցնել նրանց անուններին. (1 միավոր)

- 1) Հովհաննես Գ Օձնեցի ա) 461–478 թթ.
- 2) Ներսես Բ Բագրևանդցի բ) 574–604 թթ.
- 3) Մովսես Բ Եղիվարդեցի գ) 548–557 թթ.
- 4) Գյուտ Ա Արահեզացի դ) 630–641 թթ.
- ե) 717–728 թթ.

1	
2	
3	
4	

№ 15 – 17

Աշխատանք սկզբնաղբյուրով

15. «Զինվորական քահանայն պարտավոր է գնդապետի որոշած ազատ ժամերին դասախոսել զինվորներին Ս. Գրքից և ազգային-եկեղեցական պատմությունից՝ վառ պահելով նրանց մեջ պարտքի գիտակցությունը և սերը դեպի ազգը և ազգային սրբությունները»:

Ե թբ է Ամենայն Հայոց կաթողիկոսը հաստատել մի քանի կետերից բաղկացած հրահանգը, որից և մեջբերված է վերոհիշյալ հատվածը: (1 միավոր)

16. «Տունը և ընտանիքը մի փոքրիկ թագավորության երկիրն ու սահմանն են, որի նահապետական աթոռին նստում են ծնողները: Հայրն իբրև թագավոր և մայրն իբրև թագուհի կառավարում են ընտանիքը: Սույն ընտանեկան պալատի ու թագավորության մեջ ո՛չ ռատիկան կա, ո՛չ սուր, ո՛չ բռնություն, ո՛չ գավազան, այլ այդ բոլորի տեղ հայրական սերն ու մայրական գորովն է»:

Ո՞վ է մեջբերված հատվածի հեղինակը: (1 միավոր)

17. « ...արքայի սրից խաչ են պատրաստում, որի վրա գրում են. «Սպանման գործի արքայական այս զենքը Կյանքի Արքայի՝ Քրիստոսի խաչին նվիրյալ լինի, որով մեզ փրկեց հավիտենական մահից»:

1) Ո՞վ է մեջբերված խոսքերի հեղինակը: (1 միավոր)

2) Հայոց ո՞ր թագավորի մասին է մեջբերված ավանդությունը: (1 միավոր)

№ 18 – 19

Տերմինների, հասկացությունների, պատճառահետևանքային կապերի, փաստերի իմացություն և խմբավորում պահանջող առաջադրանքներ՝ 2 ճիշտ պատասխանով
18. Թվարկված հոգևորականներից ո՞ր երկուսն են 1918 թ. մայիսին մեկնել ռազմաճակատ: (1 x 2 = 2 միավոր)

- 1) Գևորգ վարդապետ Նալբանդյան
- 2) Գարեգին եպիսկոպոս Հովսեփյան
- 3) Ներսես եպիսկոպոս Խարախանյան
- 4) Վարդան վարդապետ Հակոբյան
- 5) Զավեն եպիսկոպոս Մահտեսի-Բաբայան
- 6) Բագրատ վարդապետ Թավաքայան

19. Նշել երկու սխալ պնդումները. (1 X 2 = 2 միավոր)

- 1) Նախաձեռնելով 1906 թ. պատգամավորական կենտրոնական ժողովի հրավիրումը՝ Մկրտիչ Ա Խրիմյանը փորձում էր ապահովել հասարակության լայն շրջանակների մասնակցությունը կրոնական գործերին և հոգևոր կյանքին:
- 2) Ժողովուրդն իրավունք էր ստանում իր ներկայացուցիչների միջոցով մասնակցելու ոչ միայն կաթողիկոսական ու քահանայական, այլև թեմական առաջնորդների, հոգևոր-վարչական կառույցների ընտրություններին՝ ընդհանուր և անմիջական քվեարկությամբ:
- 3) Մի շարք թեմերի հոգևոր առաջնորդներ, ընդդիմանալով ժողովում քաղաքական հարցերի քննարկմանը, ներկայացրեցին իրենց հրաժարականը:
- 4) Ժողովին մասնակցող հայ քաղաքական ուժերի ներկայացուցիչների կողմից փորձ արվեց քննարկման առարկա դարձնել նաև քաղաքական հարցեր:
- 5) 1906 թ. օգոստոսի 15-ին, հիմք ընդունելով ժողովում հնչած հակացարական ելույթները, ոստիկանությունը ցրեց այն:

№ 20

Շարադրանք (2 միավոր)

Ներկայացնել և գնահատել Հայոց եկեղեցու մասնակցությունը Մայիսյան հերոսամարտերին (1918թ.):